

ZBIRNI ZAKLJUČCI

- 1) Dom naroda PSBiH nalaže rukovodstvu 58 institucija BiH, čije je finansijsko poslovanje u 2012. godini ocijenjeno revizorskim „pozitivnim mišljenjem sa isticanjem predmeta“, na preduzimanje svih potrebnih mjera iz nadležnosti i u mogućnosti svake institucije posebno, kako bi se izbjegle daljnje posljedice pojava na koje je revizija skrenula pažnju pri isticanju predmeta u „pozitivnom mišljenju“, a posebno da materijalnost takvih nalaza revizije eventualno ne preraste u buduće kvalifikacije u narednom izvještaju revizije.
- 2) Dom naroda PSBiH traži od Vijeća ministara BiH da do kraja januara 2014. godine razmotri revizorske izvještaje za 2012. godinu, uz obavezu sačinjavanja cjelovite informacije o tome i njenog dostavljanja Parlamentarnoj skupštini BiH, u roku ne dužem od 30 dana od datuma razmatranja.
- 3) Dom naroda PSBiH zadužuje Vijeće ministara BiH da do kraja marta 2014. godine utvrdi programe obuke zaposlenih u institucijama BiH za prioritete oblasti, odnosno gdje su primjedbe revizije bile najčešće. Prioritetne oblasti su:
 - 3.1. Dosljedna primjena pravilnika o sistemu internih kontrola, izgradnja sistema internih kontrola;
 - 3.2. Jačanje nadzora i kontrolnih postupaka kod kategorija rashoda gdje nedostaju systemska ili interna pravila potrošnje;
 - 3.3. Primjena propisa iz oblasti javnih nabavki;
 - 3.4. Planiranje budžeta, kontrola nad izvršenjem budžeta.
- 4) Dom naroda PSBiH ponovo zadužuje Vijeće ministara BiH da u najkraćem roku pokrene procedure za zajedničke nabavke, te da preduzme što veći broj zajedničkih nabavki, kako bi se smanjio rizik od ponavljanja istih grešaka na pojedinačnom nivou kod institucija koje obavljaju identične ili istovrsne nabavke (npr. kancelarijski materijal, gorivo i mazivo i druge istovrsne nabavke). Zajedničke nabavke moraju osigurati konkurentnog zajedničkog dobavljača, kao i uštede u nabavci zbog ukрупnjavanja zahtjeva, te zadržati uslove isporuke od odabranih dobavljača sve do isteka ugovora, a prema cijenama, drugim uslovima i kvalitetu koji je prevagnuo u postupku nabavke u odnosu na druge dobavljače.
- 5) Ponovo se zadužuje Vijeće ministara BiH da hitno, a najkasnije u roku od dva mjeseca od prijema ovog zaključka, propiše svojim aktom ili Parlamentarnoj skupštini BiH predloži donošenje zakona kojim će se propisati pravila i procedure kojima se definiraju prava na potrošnju budžetskih sredstava za sljedeće namjene: nabavku automobila i njihovo korištenje, troškove reprezentacije, nabavku kancelarijskog namještaja i opreme, uključujući računarsku opremu, troškove poštanskih, telefonskih i internetskih usluga i frekventne kategorije rashoda koje su najčešće predmet i težište nalaza revizije.